

شاكر افندى يا زين

شاكر افندى يا زين

عنده بنات حلوين

لكن ويا خسارة

إن البنات ضايعين

1-قابلتهن شى نهار

وانا جاى من مشوار

وبدأتنى بإستفسار

إلى إسمها نيرمين

12-سألتنى عن عملى

وحاجات كتير من اللى

وقالتلى دا أنا أهلى

والله مسريين

3-عاشين لنا ياما

هنا مع ماما

أنا قلت يا ندامة

ودى تطلع مين؟

4- قالت اختى وخطيبها

من شهر خاطبها

أنا قلت هايسيبها

لو كانوا مخطوبين

5- وهبا على سهوة

قتلها يا حلوة

إلى غمزتي له

بالذمه دا من وين

6- قالتلى بالعربى

إلى شفته دا صاحبي

عالقهوة قتلها حاسبي

الناس جنبنا سامعين

7- وإزاي تقولي صاحب

وبابن عليه خاطب

7- وإزاي تقولى صاحب

وبابن عليه خاطب

وعلى فكرة يا شارب

يا إما شادد نفسين

8- ومعقول من أول عام؟

تدرسى فى إعلام

تدوسى على الألغام

وترافقى الصايعين

9- وقبل ما نوصل

جانا اللى بيحصل

أنا قلت من الافضل

إنى ادفع لنفرين

- 10-ولحظة والعنوان
كتبته فى ثوان
أتارينا شبه جيران
وإحنا مش داريين
11-وقالت ما دام جارنا
إبقى تعال زورنا
وإن ما شالك دارنا
نشيلك فى نن العين
12-لكنى قلت يا واد
عندك وداد وسعاد
وريمما وهناء ونهاد
دا غير منى وصابرين
13-حلوات كتير بالكوم
حاصلات على الدبلوم
والجامعة من اليوم
ما تروحها شهرين
14-وصدفة وفى يوم حد
والجو رعد وبرد
سمعت صوت يا سعد
إلتفت شمال ويمين

15- لقيت صاحبتى مع شاب

بتوشوشه فى حب

وسمعه بيقول صعب

تغيبى أسبوعين

16- أنا قلت لازم أظير

للجامعة لكبير

وأسال كبير وصغير

عن قصة الأختين

17- رحى وسمعت حاجات

تتهز لها سماوات

قالوالى دول لبوات

وهمس بين بنتين

18- ركزت تفكيرى

سمعت لصغبرى

بتقول وأختهم شبرى

كارثة تانية على فلسطين

19- انا قلت بدل الهم

أروح وأكلم ألام

بلكى إنها تهتم

وتكبح جماح الأثنين

20- قالتلى أنا من الويل

إتهد منى الحيل

وعلينا دين تقيل

ما أعرفش أجيبه منين؟

20- دا غير علينا إيجار

خمس شهور للدار

ومرات ما نلقى فطار

باليوم وباليومين

21- حتى إبننا الوحيد

فى سوق خضار بعيد

شغال وبالتحديد

المدرسة شهرين

22- لاراح لاشال كتاب

وغياب يجر غياب

وبدون ذكر أسباب

واضحه للعين

23- وسحت يا افندى دموع

خلتلى أنا الموجه

أقول إقفلى الموضوع

وأتصرف فى قرشين

24- وأتمنى أجيب أكثر

يا ستي لو أقدر

ومسيرها تتدبر

ربي كريم ومعين

25- لكن وبعد أيام

با أسأل عن المدام

قالوا في شبه ملام

سافرت وأدينا تايهين

26- دي سافرت في شعبان

ويا دوب انتصف رمضان

والجونلة والفيستان

إتحزقوا الاثنين

27- وهبا والمكياج

غطى خدود كالعاج

وظز في الحجاج

وايه يعني شرف ودين

28- دا كله وأنا مشغول

في الدنيا عرض وطول

وف مرة جاتني تقول

شوشو بهمس حنون

29- إن كنت هتروح؟

فى التاكسى لك مطرح

يا دوب وراح افرح

لاقيت بغل سمين

30- لاقيته بيعطيها

كاس قهوة فى ايديها

إتطلعت فى عينيها

لاقيتهم ولا حاسين

31- لا بى ولا بالناس

علشان ما فيش إحساس

وشربها من الكاس

زى المدمنة هيروين

32- الغريبة لو مسرى

ما كانش زاد قهرى

لكن إالى قصم ضهرى

من عرب حافيين

33- وكدا كل شرموطة

تلاقيها مبسوطة

علشان مفيش شوطة

تخلصنا من الوسخين

34-الطريق طال الطريق

ونار فى قلبى كالحريق

مرات أزغر للعشيق

ومرات أتحسر حزين

35-وتنتى على البيت

راكبنى 100 عفريت

والحكاية حكايت

وأخذتها تعجين

36-وحلفت ما اسيبهن

غير لما أدبهن

وجبت قرايبهن قول

وبعد سين وجيم

37-وبعد دوشة تقول إذاعة

وقبل نص الليل بساعة

وصلت أنا والجماعة

قالوا طلعوا قلت زين

38-وكل ما أحكى ولا أشكى

نلتقى أخوهن بيبكى

قلنا بلكى يعودوا بلكى

وما يكونوش مبيتين

39- هبا وقفت تاكسى أجرة

نزلوا منه بعد سهرة

وبعد دوشة تقول مظاهرة

قلت أهن متلبسين

40- وسبتهن ومشيت لحالى

أشكى همى لليالى

قلت مالى ما كنت خالى

مالى انا والفلاحين

41- ناس ما يعرفوش العيب

غير فراغ الجيب

أما الضرب بالمراكيب

والشرف والدين

42- هيدى يا افندى أمور

عدت بقالها دهور

والبركة فى المقبور

إلى إبتدع قوانين

43- خلت النسوان تسافر

طالما معاها التذاكر

أما قولة حرة عاهر

دى أمور متخلفين

44-وبعد ما ضيقت جهدى

وإنحرق دمي لوحدى

إلى هيقول حرة بلدى

حقه يتطين بطين

45-لكن لا طين ينفع

ولا مرار يشفع

طول ما أنت يا خفرع

نايم ما بين هرمين

